

Saksprotokoll i fylkestinget - 12. og 13.06.2018

Fylkesordfører svarte slik:

«HFK har ansvaret for tilfluktsrom i 23 skulebygg og i 5 bussanlegg. Oversikt over kva for skular og bussanlegg som har tilfluktsrom er vedlagt dette notatet – vedlegg 1. Kartlegginga knytt til tilfluktsrom, som Eigedomsavdelinga no gjennomfører, gjev mellom anna svar på tilstanden på tilfluktsromma. Vedlegg 1 til notatet inneheld dei opplysningane som til no er innhenta. Arbeidet vil halde fram, og vedlegg 2 til notatet inneheld Eigedomsavdelinga sin tiltaksplan med fristar for perioden frå mars 2018 og ut 2019, der målet er at tilfluktsromma innafor denne tidsperioden skal tilfredsstille dei krava som er sett av Direktoratet for samfunnssikkerhet og beredskap.

Samla kapasitet for tilfluktsromma i skulebygga er ca. 7000 personar og for bussanlegga er samla kapasitet ca. 800 personar.

I samband med kartlegginga har rektor på dei aktuelle skulane fått krav om å lage ein plan for klargjering av tilfluktsromma på 72 timar.»

Vedlegga vert sendt til spørsmålsstillar.